

Supervizorica za Brčko poduzima mjere protiv neprikladnog političkog utjecaja u procedurama za upošljavanje javnih službenika

Supervizorica za Brčko, Susan Johnson, je danas izdala Nalog supervizora kojim uvodi mjere protiv korupcije i političkog utjecaja u procesu odabira stručnih javnih službenika.

Postupak odabira šest šefova pododjela u Upravi Brčko Distrikta je otkrio niz nepravilnosti pri upošljavanju javnih službenika. Vlada Distrikta njeguje kulturu u kojoj se vrši korumpiran politički utjecaj na odabir javnih službenika. Predsjednik Odbora za upošljavanje je dozvolio da Odbor podlegne političkim utjecajima, a gradonačelnik Brčko Distrikta nije poduzeo mjere da to spriječi.

Posljednji primjer u tom nizu je taj kada je ime kandidata koji je propisno izabran od strane komisije koja je obavljala razgovore sa kandidatima, naknadno zamijenjeno imenom drugog kandidata tako što je nepropisno izmijenjena odluka Odbora za zapošljavanje, poslije neprimjerenog utjecaja viših članova Vlade i i Skupštine.

Zbog toga je supervizor imenovala šefove šest pododjela u Vladi Distrikta u svjetlu neprimjerenog i zakasnjelog postupka njihovaodabira.

Supervizorica Johnson je takođe naložila da se svi zvaničnici Vlade Distrikta moraju savjesno pridržavati zakona. Svako postupanje koje nije u skladu sa tim može zahtjevati

momentalno i trajno razrješenje sa funkcija u Vladi.

Do usvajanja novog zakona kojim će se regulirati zapošljavanje javnih službenika, svaka odluka kojom se upošljava bilo koji javni službenik u bilo kom svojstvu, a koju donese Vlada Distrikta ili bilo koji pojedinac, mora imati prethodnu suglasnost supervizora u pisanoj formi, ili će biti ništava. Takođe, neće se više objavljivati konkursi bez pisane suglasnosti supervizora.